

Tshua txog ib tsoom Badger,

Tau peb asthiv dhau los no tau muaj kev mob siab thiab nyuaj nyhav rau peb ib tsoom, tiag rau cov neeg nws hais tias nws yog Dub los BIPOC. Li [kuv tau hais thaum lub Tsib Hlis yuav tas](#), peb cov mejiyig, xibfwb thiab neeg ua haujlwm tau muaj dab neeg qhia txog kev tsis ncaj ncee vim cev qaij daim tawv thiab tau coj ua tej yam yuav tsum tau pauv. Tam ib lub tsev kawm ntawv qib siab peb yuav koom ntxiv sib tham txog qhov *Black Lives Matter movement*, kom muaj kev sib luag vim cev nqaij daim ntawv, thiab kev ncaj rau cai lijchoj thiab txhawb kom muaj kev daws qhov teeb meem.

Tab sis peb lub hlis dhau tau muaj kev nyuaj txog lwm yam, nrog rau, coob tus xav tias nws tau cais nws rau ib qho thiab txhawj txog tus kab mob kis thooob ntiaj teb. Nws yog txog qhov no uas hnuv no kuv muaj xov xwm zoo rau nej. Tom qab ua tib zoo xyuas thiab raws kev pom zoo los ntawm cov neeg ua num saib kev noj qab haus huv rau pejxeem thiab txhua tus hauv tsev kawm ntawv, peb qhia tau peb cov kev npaj txais cov mejiyig rov tuaj rau hauv tsev kawm ntawv lub caij ntuj tsaug yuav los no uas pib lub Cuaj Hli xiab 2, nrog rau muaj ntau yam hloov kom pab tiv thaiv kev noj qab haus huv thiab kev nyabxeeb rau ib tsoom hauv tsev kawm ntawv. Peb npaj yuav muaj txhua yam kev qhia ntawv li qub, nrog muaj ntau hoob qhia tim ntsej tim muag txog rau thaum so rau *Thanksgiving*.

Rau txhua yam piav txog peb cov kev npaj li tam sim no muaj, thov mus saib hauv peb qhov [“Smart Restart” website](#). Daim ntawv qhia no lwg cov kev npaj uas coob leeg xav paub txog xwb, kuv cuab txhua tus zog kom twm tej koog hauv lub website no uas raug rau koj. Ntaub ntawv hauv lub website yuav pauv tas li raws peb cov kev npaj, li ntawd kuv cuab nej zog kom mus saib tas li. Tseeb tiag, yuav muaj ntaub ntawv qhia ntxiv txog cov mejiyig yog *graduate*, *professional* thiab tuaj txawv tebchaws tuaj.

Tom qab *Thanksgiving*, peb yuav hloov tag nrho cov hoob kawm rau thawj plaub xyoos mus rau online rau cuaj hnuv tshuav rau lub caij kawm ntxiv rau cov ntawv xeeb. Nov yog ib qho kev txiav txim nyuaj heev, raws li peb pom sawv daws xav kom rov muaj tej yam li qub. Peb ntseeg tias qhov no yog ib qho tseem ceeb vim yuav muaj cov mejiyig tawm mus lwm qhov thiab rov tuaj rau hauv Madison rau lub caij so rau *Thanksgiving* uas yuav muaj taus kev puam sij kis tau rau hauv tsev kawm ntawv. Cov mejiyig uas mus tsis tau tsev los ua cov ntawv kawm tom tsev tuaj nyob tau hauv Madison thiab ua lawv cov ntaub ntawv rau lub caij ntuj tsaug kom tag.

COVID-19 tseem yog ib tug kab mob kis ceev heev nyob hauv ntiaj teb, ib qho peb yuav xyuas zoo heev ntxiv kom pab tiv thaiv peb cov mejiyig, xibfwb thiab neeg ua haujlwm. Cov ruam ua tiv thaiv kev noj qab haus huv thiab kev nyabxeeb peb qhia hnuv no nruj heev, ua tib zoo xyuas thiab kawm ntsuam xyuas txhawb nws. Peb ntseeg tias lawv yuav pab ntau heev txo kev puam sij rau peb ib tsoom hauv tsev kawm ntawv thiab pub peb cov mejiyig rov ua tau ntau yam thiab pom raws li kev muaj nqi ntawm ib tug *Badger*.

Sim saib puas muaj tus kab mob yog qhov tseem ceeb ntsuam kev mob thiab tswj kom txhob kis, thiab peb yuav ua raws li tus qauv muaj peb ncuam sim. Ua ntej, nws yuav muaj ib cov chaw

nyob hauv tsev kawm ntawv cia li mus sim tau, uas muaj dawb thiab rau ib tsoom hauv tsev kawm ntawv. Ob, peb yuav muaj qhov kom tej tus neeg cia li mus sim rau tag nrho cov neeg hauv tsev kawm ntawv. Nov thwm tias tej tug neeg yeem koom nrog ib pawg uas sim tas li saib tus kab mob puas muaj kis. Peb, nws yuag muaj sim tas li rau tej pawg uas ua haujlwm txawv nyob ze rau lwm tus. Piv txwv, tag nrho cov mejiyig thiab neeg ua haujlwm hauv cov tsev nyob kawm ntawv yuav raug sim tas li.

Rau cov mejiyig nyob hauv tsev kawm ntawv uas twg sim muaj tus kab mob los tau nyob ze ib tug muaj mob, peb yuav muaj cov hoob uas lawv muaj lawv cov chav tsev dej rau cais tus kheej. Tsev kawm ntawv yuav siv qhov txheeb saib twg tau nyob ze (*contact tracers trained*) nrog rau *Public Health Madison & Dane County* pab nrhiav cov neeg uas tau nyob ze ib tug sim muaj tus kab mob nyob hauv UW–Madison.

Sim saib puas muaj mob, uas tseem ceeb, yog ib qho pab tswj kom txhua tus muaj kev nyabxees. Peb yuav kom txhua tus hauv tsev kawm ntawv ua raws cov kev kom ua raws nruj no. Nov yog kom cov neeg npog qhov ncauj qhov ntswg thaum lawv nyob hauv tsev tej qhov muaj neeg coob. Nws kuj kom nyob sib nruj deb, ntxuav tes, thiab ntsuam xyuas cov cim tus kab mob. Ib tsoom Badger yeej ib txwm ib tug pab saib ib tug. Lub caij ntuj tsaug yuav los no, peb kom sawv daws txhua tus haj yam sib koom ntau, sib hwm thiab ua tib zoo xav thaum sib tham. Lub caij ntuj tshiab tas no, kuv pom tias peb cov mejiyig thiab neeg ua haujlwm ua tib zoo xyuas, tswj khov kho thiab pauv tau zoo rau txhua yam kev nyuaj. Kuv ntseeg tias peb yuav ua tau rau cov kev nyuaj tshiab no, thiab.

Kev qhia ntawv kuj yuav txawv tib yam. Ntau hoob kawm thiab sib tham yuav muaj tim ntsej tim muag, tab sis yuav nyob rau cov chav loj dav tshaj yav tas kom cov mejiyig zaum tau sib nruj deb. Vim peb muaj cov chav loj dav no tsaug hauv tsev kawm ntawv, cov mejiyig thiab xibfwb yuav tsum npaj tias yuav tau pauv lub caij kom peb muaj cov hoob loj pub zaum tau sib nruj deb. Nov thwm tau tias ib cov hoob kawm yuav muaj rau yav tsaus ntuj los hnuv Zwj Cag (*Saturday*). Peb yuav kom txhua tus mejiyig yuav tsum npog qhov ncauj qhov ntswg hauv hoob kawm thiab peb yuav muaj khoom so los tu siv hauv hoob.

Cov hoob qhia muaj neeg coob (tag nrho cov muaj tshaj 100 tus mejiyig thiab ib co muaj li 50 txog 100 leej) yuav qhia nyob online kom muaj kev nyabxees rau cov mejiyig thiab xibfwb, uas peb tseem yuav muaj cov hoob me rau cov mejiyig tuaj sib tham tim ntsej tim muag rau cov mejiyig tuaj tau. Tseeb, ib cov mejiyig yuav tuaj tsis tau los tsis kam tuaj rau hauv tsev kawm ntawv lub caij ntuj tsaug no. Peb yuav muaj ib co hoob kawm rau tej yam nyob hauv plaub xyoos nyob tom tsev kawm tau kom cov mejiyig kawm tau ntxiv rau lawv yam.

Kuj yuav ua txhua yam li ua tau rau cov kev kawm nyob rau qib *graduate* thiab *professional*. Tabis, ib co kev kawm rau tej yam haujlwm (*professional school programs*) tej zaum yuav kom xyaum ua kiag uas yuav tsis muaj qhia nyob online. Cov mejiyig yuav tsum nrog lawv cov *program coordinators* tham xyuas txog tej kev txhawj lawv muaj.

Peb npaj yuav qhib tag nrho peb cov tsev nyob kawm ntawv rau lub caij ntuj tsaug, uas yuav muaj kev ua raws kom muaj kev nyabxeeb rau tej qhov muaj neeg coob siv thiab txo kom txhob muaj neeg coob. Cov hoob feem ntau yuav muaj ob tug neeg nyob. Cov chaw noj mov yuav khiav haujlwm txawv, yuav muaj khoom ntim tseg cia li khaws ntau thiab cov rooj yuav sib nrug.

Tib yam, peb xav tias cov chaw ua haujlwm yuav qhib thiab cov neeg ua haujlwm coob tus yuav rov tuaj ua haujlwm hauv tsev kawm ntawv tabsis yuav khiav haujlwm txawv qhov qub. Cov chaw zaum ua haujlwm yuav muab kho kom sib nrug deb, yuav so cov chaw ua haujlwm tas li, thiab yuav muaj ua haujlwm tom tsev tuaj ntau thiab xuabmoos hauv chaw ua num yuav tsi cuag ncuat kom txo cov neeg sib koom ib qho chaw ua haujlwm kom tsawg.

Kuv paub tias qhov kev tshaj tawm hnuv no yuav tseg ntau yam lus nug teb tsis txog. Kuv qhia rau nej tias peb sib zog khiav haujlwm xyuas siv cov kev pauv no thiab yuav teb cov lus nug hais tsis txog. Kuv thov nej ua siab ntev thiab ua yoojyim ntxiv rau xyuas tej qhov tshiab tsis tau muaj dua no. Kuv cog lus rau nej tias peb yuav txiav txim raws li qhov yuav muaj kev zoo txog kev noj qab haus huv thiab kev nyabxeeb rau ib tsoom Badger uas yog qhov tseem ceeb tshaj rau peb thiab yuav qhia rau sawv daws paub sai li sai tau. Thaum peb tsim cov kev npaj siv tiav lawm, peb yuav qhia rau nej li asthiv puav tom ntej. Yog nej muaj ib qho lus nug txawv, thov xa email rau peb ntawm askbucky@uwmad.wisc.edu los hu *Campus and Visitor Relations* rau 608-263-2400.

Kawg, cia kuv muab ib qho lus ua tsaug. Qhov kev pauv ceev heev ntawm tus kab mob COVID-19 ua tau nyuaj heev rau txhua tus, pib ntawm cov mejyig thiab lawv tsev neeg mus rau cov xibfwb thiab neeg ua haujlwm. Peb xav kom txhua yam rov mus nyob tau li qub, tabsis daim ntawv qhia no hais tias, txhua yam yuav txawv rau xyoo tom ntej no. Kuv zoo siab rau nej kev txhawb peb ib tsoom hauv tsev kawm ntawv thiab coj cov cwj pwm yuav pab kom tib neeg ntsib kev noj qab haus huv. Peb yuav tsum mus dhau lub caij txawv no, thiab tej zaum peb kuj tseem yuav kawm tau tej yam tshiab pab peb lub tsev kawm ntawv. Kuv muaj kev cia siab thiab yuav sib zog ua haujlwm ntxiv rau yav tom ntej.

Ua tsaug, thiab Rau, Wisconsin!